


ҰЛТТЫҚ ҚҰРЫЛТАЙ



Вилоят ҳокимининг матбуот хизмати.



БАРЧА УЧУН КЕНГ ИМКОНИЯТЛАР ДАВЛАТИ БАРПО ЭТИЛМОҚДА



(Давоми. Боши 1-бетда).

ТИЗИМЛИЛИК, ТАРТИБ ВА САМАРАДОРЛИК ЗАРУР

Президент мамлакатимизда барча соҳалардаги кенг қўламли ислохотлар ва мақсадли ўзгаришлар халқимизнинг орзу-интилишлари ва замон талабларидан келиб чиққан ҳолда изчил амалга оширилаётганини таъкидлади.

– Мамлакат келажаги учун алоҳида аҳамиятга эга бўлган соҳалардаги ишлар изчил давом эттирилиши керак, – деди Давлатимиз раҳбари. – Менинг топширигим билан 2023 йилда ишлаб чиқилган “Гиёҳвандлик ва гиёҳванд моддаларнинг ноқонуний айланимига қарши кураш” мажмуавий режаси жорий йилда ўз низоёсига етади. Бу ижтимоий иллатга қарши курашиш энг муҳим вазифалардан биридир. Шунинг учун ушбу йўналишдаги тадбирлар янги ҳужжат асосида давом эттирилиши лозим.

Жорий йилда ҳам болаларни зўравонликдан ҳимоя қилиш ва ўсирилар ўз жониға қасд қилишининг олдини олиш юзасидан мажмуавий лойиҳа яқунланди. У ҳам янгиланиши керак.

– “Оилавий зўравонликка қарши кураш тўғрисида”ги Қонун қабул қилинганидан кейин бу борадаги аҳвол анча яхшиланди. Бироқ айрим чекка ҳудудларда ҳамон бундай иллатлар қайд этилмоқда. Ноанъанавий диний оқимлар таъсирига тушиб қолган фуқаролар вазиятини янада оғирлаштирилмаган. Маҳаллий ҳокимият вакиллари ва жамоат арбоблари оиладаги зўравонликларнинг олдини олиш борасидаги ишларни давом эттирмоқда. Бундан ташқари, ушбу йўналишдаги ишлар ҳозирда турли ҳужжатлар билан тартибга солинмоқда, лекин етарли даражада мувофиқлаштирилмаган. Шу боис барча чора-тадбирларни “Қозоғистон болалари” ягона дастури доирасида жамлаш зарур деб биламан, – деди Қ. Тўқаев.

Шунингдек, Ўртбоши бу икки соҳани бир-биридан ажратмасдан, болаларга таълим ва тарбия бериш борасида мажмуавий тизимли ишларни йўлга қўйиш зарурлигини таъкидлади. Шу мақсадда ўтган йили мактабларда “Ягона тарбия” дастури йўлга қўйилган бўлиб, Президент таъкидлаганидек, эндиликда бу дастур мамлакатимизнинг барча давлат таълим муассасаларида ҳам жорий этилиши зарур.

– Келажақда хусусий мактаблар ҳам ушбу ҳужжатга амал қилишлари керак. Тарбиявий ишлар билан барча болалар қамралиши жоиз. Шундагина бу ташаббус миллий хусусият касб этади. Лойиҳанинг пировард мақсади “Адолатпарвар фуқаро” концепцияси ғояларига мос келадиган ватанпарвар, билимли, заковатли авлодни тарбиялашдан иборат. Қурултой аъзоларининг ушбу дастурни “Адолатпарвар фуқаро” деб номлаш таклифни тўлиқ қўллаб-қувватлайман, – деди Ўртбоши.

Президент ислохотларни амалга ошириш ва жамият тараққиётида фуқаролик шўъбасининг муҳим ўрни ҳақида фикр билдирар экан, нодавлат-нотижорат ташкилотлар тўғрисидаги қонун ҳужжатларини такомиллаштириш борасидаги қурултой аъзоларининг таклифларини қўллаб-қувватлади. Давлат ижтимоий буюртмаси самардорлигини ошириш учун замонавий воқеликка мос келадиган алоҳида қонун зарурлигини таъкидлаб, ваколатли идораларга мутахассислар ва жамоат ташкилотлари иштирокида ушбу муаммони ҳал этишни топширди.

– Сўнгги бир неча йил ичида биз давлат мукофотлари билан боғлиқ ёндашувларни қўриб чиқдик ва тизимлаштирдик. Эндиликда идоравий мукофотларни тартибга солиш зарур, – дея давом этди Президент. – Аниқ қўйдалар ва ягона маълумотлар базаси йўқлиги сабабли баъзи мукофотлар тасодифий тарзда топширилмоқда. Ҳатто бир шахс бир давлат идорасининг кўкрак нишонини бир неча марта олган ҳолатлар ҳам учрамоқда. Идоравий мукофотлар фақат юқори малакали мутахассисларнинг жамиятдаги касбий мавқеини оширишга кўмаклашиш мақсадида берилиши керак, – деди Давлат раҳбари. – Мута-садди ташкилотларга ягона андаза ва идоравий мукофотлар рўйхатини ишлаб чиқишни топшираман.

Ономастика соҳасида тартиб ўрнатилмоқда: бу иш учун ягона ва аниқ низоом ишлаб чиқилган ва уни амалга оширишда тарихий адолат тамоиллирларга қатъий риоя қилиниши муҳимдир.

– Буюк тарихий шахсларимиз номлари абади-лаштиришга лойиқ. Уларнинг хотираси миллий ўзлигимизнинг ажралмас қисми бўлиб, уни асраб-авайлаш фуқаролик бурчимиздир. Аммо ономастикани “тарихий хизматлари” ҳеч қандай архив ҳужжатлари билан тасдиқланмаган шахсларни улуғлаш воситасига айлантириб бўлмайди, – деди Президент.

Унинг фикрича, шаҳар ва кўчаларнинг номлари халқимиз тарихини акс эттириши керак.

– Жамиятда кенг тарқалган жарангдор географик номлар ва анъанавий топонимлар имкониятларидан тўлиқ фойдаланмаямиз. Шу билан бирга, атамалари тарихан эскирган қишлоқлар номини ўзгартаришга ўта эҳтиёткорлик билан ёндашиш керак. Бу борада кенг тушунтириш ишларини олиб бориш, аҳолининг фикрини инобатга олиш муҳим, – деди давлатимиз раҳбари.

Кўчаларга келсак, биринчи навбатда номсиз кўчаларга ва такорланувчи топонимларга янги ном бериш керак.

Шунингдек, хусусий иншоотларни номлашда ҳам ўзбошимчиликка йўл қўйилмаслиги жоиз.

ИЧКИ СИЁСАТ, МАФКУРА, ЎЗИГА ХОСЛИК

Қ. Тўқаев таъкидлаганидек, ономастика соҳасини, давлат ва идоравий мукофотлар тизимини такомиллаштириш, ижодий қадриятларни тарғиб қилиш, ижтимоий иллатларга барҳам бериш, фуқаролик жамиятини ривожлантириш – буларнинг барчаси юксак мафқуравий саъй-ҳаракатларнинг таркибий қисмларидир.

– Шунинг учун мен ички сиёсат соҳасида олиб борилаётган барча тадбирларни ташкил этиш учун ягона ҳужжат зарур, деган фикрга қўшилиман, – деди у. – Концепцияда ўзлигимиз ва турмуш тарзимизни акс эттирувчи асосий миллий қадриятлар ва рамзлар белгиланиши даркор. Бу, энг аввало, уларнинг жамиятда чуқур илдиш отиши, ҳимояси ва кенг тарғиботи учун зарур, – деди Президент.

Шунингдек, Давлат раҳбари Наврўз байрамининг аҳамиятига тўхталди.

Ўтган йили Наврўз байрамини нишонлашнинг янги дастури ишлаб чиқилиб, у 14 мартдан бошлаб ўн кун давомида нишонланади ва ҳар бир кун ўз номи ва мазмунига эга.

МАДАНИЯТНИНГ АЛОҲИДА АҲАМИЯТИ

Қ. Тўқаев маданият соҳасидаги ютуқлар ҳақида гапирар экан, театрни ривожлантириш масаласига алоҳида тўхталиб, уларни ҳар қандай давлат маданияти даражасининг муҳим кўрсаткичларидан бири, деб атади.

– Бугунги кунда Қозоғистонда 46та вилоят театрлари мавжуд, бироқ уларнинг кўпчилиги оғир аҳволда. Минтақаларда театрларни ривожлантиришга эътибор қаратишимиз зарур. Халқимизнинг маданий хилма-хиллигини сақлашга ҳисса қўшаётган рус ва бошқа миллий театрларни қўллаб-қувватлаш муҳим аҳамиятга эга. Шу боис тадбиркорларни минтақалардаги театрларни қўллаб-қувватлашда фаол иштирок этишга чақираман, – деди Давлат раҳбари.

2025 йилда буюк Абай таваллудининг 180 йиллиги нишонланади. Бундан беш йил аввал Семейда абайшунослар билан учрашувда Президент Абай институтини ташкил этишни таклиф қилган эди. Эндиликда ушбу ташаббус диаспораларимиз ва хорижликларга қозоқ тилини ўрганишга ёрдам бериш мақсадида рақамли платформа шаклида амалга оширилмоқда.

– Ушбу лойиҳани Конфуций, Гёте ва Сервантес институтлари намунасида фаолият юритувчи тўлақонли маданий-маърифий муассасалар каби тармоққа айлантириш муҳим, – деди Қ. Тўқаев. – Абай институти барча асосий ҳамкор мамлакатларда маданиятимиз тарғиботчиси бўлиши керак. Ташқи ишлар вазирлиги, “Отандастар” жамғармасига Маданият ва ахборот вазирлиги билан биргаликда хорижда ҳам шундай марказлар очиш бўйича ишларни давом эттиришни топшираман.

Президент “Қозоқ тили” халқаро жамияти фаолиятини ҳам алоҳида таъкидлаб, уни янада қўллаб-қувватлашга чақирди.

– Маданият нафақат бино ва муассасалар, балки дунёвий оламда миллий ўзлигимизни мустаҳкамлашнинг асосий пойдеворидир, – деди

Ўртбошимиз. – ЮНЕСКО билан ҳамкорлигимиз доирасида Қозоғистоннинг моддий ва номоддий мероси иншоотларини халқаро рўйхатларга киритишга алоҳида эътибор қаратмоқдамиз. Ҳукумат халқларнинг инсоният билимлари хазинасига қўшган заковат ҳиссасини яққол намойён этадиган ҳужжатли меросимизни Жаҳон хотираси рўйхатиға киритиш бўйича саъй-ҳаракатларни кучайтириши керак.

ТАРИХИЙ БОСҚИЧЛАР

Қозоғистонда тарих фанининг ривожланишига бугунги кунда миллий ўзлики мустаҳкамлашнинг муҳим омили сифатида алоҳида эътибор қаратилмоқда.

Президент жорий қурултой пойтахтни Қизилўрдага кўчириш ҳақидаги тарихий қарор қабул қилинганининг 100 йиллиги арафасида ўтказилаётганини таъкидлади. Шу муносабат билан у навбатдаги ййғилишни шу шаҳарда ўтказишни таклиф қилди – ҳар йили Миллий Қурултой ййғилишларини мамлакат тарихи учун аҳамиятли шаҳарларда ўтказиш аънанаси давом этмоқда.

– Халқимизнинг “Қозоқ” деган асл номи қайтаганига 100 йил тўлди, – деди Қ. Тўқаев. – Албатта, давлатчилигимизнинг келиб чиқиши асрларга бориб тақалади. Бироқ, очиқ айтишимиз керак, асл номимизни қайтариш тарихий адолатни тиклаш ййғидаги муҳим қадам бўлди. Бунда Сакен Сейфуллин асосий ўрин эгаллади. Ҳукумат раҳбари сифатида “Қозоқларни қозоқ дейлик, ҳаттон тўзатайлик” мақоласини ёзиб, мафқуравий тадбирни бошлаб берди. Бундай муҳим саналар халқимизнинг тарихий хотирасида сақланиб қолиши керак.

Давлат раҳбари Тўлен Абдикнинг “Егемен Қазақстан” газетасида чоп этилган мусохабасига яна бир қарра тўхталди, унда таниқли адиб кўпдан буён давом этиб келаётган (“Отанг боласи бўлма, одам боласи бўл”) талабга эътибор қаратган.

Президентимиз бу сўзларни шарҳлар экан, ўз миллатини бошқалардан устун қўйиш, пировардида ҳеч қандай яхшиликка олиб келмайдиган йўл эканлигини таъкидлади.

– Бугун миллий тарих фанимиз, зиёлиларимиз олдида тарихимизни кенг тамаддун доирасида ўрганиш вазифаси турибди. Сир эмаски, Қозоғистоннинг ўтмишига қўллаб олимлар ва жамоат арбоблари ҳанузгача тарихий алам нуктаи-назари билан қарашади. Бу тарихимиз ҳақидаги тасаввур доирасини торайтиради. Биз кенгроқ, дунёвий нуктаи-назардан фикр юритишимиз керак, – деди Қ. Тўқаев. – Илмий тадқиқотлар олиб бориш, тарихий обидаларни тиклаш, археологик қазилмалар олиб бориш, шунингдек, музейшуносликни ривожлантириш, хорижий архивларни ўрганиш, миллий анъаналарни тиклаш борасида ишларни тизимли йўлга қўйиш зарур.

ИНФРАТУЗИЛМАГА – САРМОЯЛАР

Миллий Қурултой давлат тараққиётининг барча соҳаларидаги долзарб масалаларни муҳокама қилиш учун майдондир. Ҳозирги босқичда ҳудудларда иқтисодий тараққиётнинг янги нуқталарини барпо этиш, минтақаларни ривожлантиришдаги номуносабиблиқларни бартараф этиш – устувор вазифалардан бири. Президент нутқининг асосий қисмини ана шу масалаларга бағишлади.

– Жорий йилда иқтисодиётни молиялаштиришни қарийб икки бараварга, яъни 8 триллион тенгега ошириш режалаштирилган. Келгуси йилларда Ҳукумат соҳани молиялаштириш ҳажминини 10 триллион тенгега кўпайтириши керак. Гап мохиятан мамлакатимизда тадбиркорлиқни мисли қўрилмаган даражада қўллаб-қувватлаш ҳақида бормоқда, – деди Давлат раҳбари.

Мамлакат бўйлаб йирик инфраструктуралар лойиҳалар амалга оширилмоқда. Қизилўрда ва Туркистон вилоятида мажмуавий электр станциялари негизда электр станцияларини қуриш режалаштирилган.

Қарағанди ва Экибастузда ферроқотишма заводлари, Жамбил вилоятида минерал ўғитлар ишлаб чиқарувчи кимё мажмуаси ишга туширилади. Алматы ва Қўстанаи вилоятида автомобил заводлари фаолиятини бошлайди.

Каспий денгизи туби бўйлаб оптик толали алоқа линияси ётқизиллади, бу Европа ва Осиё ўртасида рақамли йўлак ҳосил қилади.

МИНТАҚАЛАРГА ЭЪТИБОР

Қ. Тўқаев 2022 йилда Қозоғистонда янги минтақалар ташкил этилгани ва бу қарор уларнинг тараққиётига кучли туртки бўлганини таъкидлади:

– Ушбу ҳудудларда ижтимоий-иқтисодий кўрсаткичлар сезиларли даражада яхшиланди, у ерга сармоялар кела бошлади. Буларнинг барчаси маҳаллий аҳолининг ҳаёт сифатиға бевосита таъсир кўрсатди, – деди у.

Шунингдек, Президент ҳозирда “Минтақаларни ривожлантириш концепцияси” ишлаб чиқи-лаётганини таъкидлади.

РАҚАМЛИ КУН ТАРТИБИ ВА ИННОВАЦИОН ИҚТИСОДИЁТ

Ўз маърузасида Президент яна бир бор рақамлаштириш ва сунъий заковатни жорий этиш вазифаларига тўхталди.

– Сунъий заковатдан фойдаланиш бюджет маблағлари самарадорлигини кескин оширади, солиқ ва божхона маъмурчилигини такомиллаштириш, давлат харидларини мақбуллаштириш, фуқаролар ва давлат ўртасидаги ўзаро муносабатларнинг барча жараёнларини соддалаштириш имконини беради. Тегишли идоралар экспертлар ва АТ-мутахассислари билан яқин ҳамкорликда доимий равишда барча соҳаларда харажатларни камайтириш, шаффофлик ва самарадорлиқни оширишга қаратилган янги ечимларни излашлари ва жорий этишлари керак. Бу масала менинг алоҳида назоратимда, – деди Давлат раҳбари.

САЙЁҲЛИКНИ РИВОЖЛАНТИРИШ, БИОЛОГИК ХИЛМА-ХИЛЛИКНИ АСРАШ

Сайёҳлик минтақалар учун жиддий ўсиш нуқтасига айланиши керак. Сайёҳлик салоҳиятини мустаҳкамлашга маҳаллий миқёсда миллий ва халқаро миқёсда ўтказиладиган тадбирлар ёрдам бериши мумкин.

Бу йил ҳам шундай лойиҳалардан бири Тараз шаҳрида ўтказиладиган “Ҳамдўстлик ярмаркаси” бўлиб, унга қўллаб мамлакатлардан ҳунарманд ва деҳқонлар таклиф этилган. Президентнинг сўзларига қўра, ушбу тадбир нафақат ҳамкорлар билан иқтисодий алоқаларни чуқурлаштириш, балки Таразнинг энг қадимий савдо ва маданият марказларидан бири сифатидаги нуфузини мустаҳкамлаш, минтақаға янги сармоя ва сайёҳлар оқимини жалб этиш имконини беради.

Қ. Тўқаев таъкидлаганидек, деярли ҳар бир минтақада шу каби “лангар”ли маданий ва сайёҳлик тадбирлари ўтказилади, уларнинг аксарияти анъанаға айланган. Улар, биринчи навбатда, ҳомийлик маблағлари ҳисобидан амалга оширилиши ва йил давомида бир текис тақсимланиши зарурлигини таъкидлади.

Президент Қозоғистон биологик хилма-хиллигини муҳофаза қилиш масаласига алоҳида тўхталди.

– Биохилма-хиллиқни асраш жамғармасини яратиш зарур, деб ҳисоблайман. Давлат раҳбари сифатида мен ушбу муҳим ишнинг алоҳида аҳамиятини таъкидлаш учун ушбу жамоат ташкилотига шахсан раҳбарлик қилишга тайёрман, – деди Қ. Тўқаев.

Давлат раҳбари жамиятда экологик тафаккурни тарбиялаш муҳимлигини яна бир бор таъкидлади. Ўтган йилдан эътиборан мамлакатда “Тоza Қозоғистон” акцияси ўтказилмоқда, унинг тамоиллилари ҳар бир фуқаро ва бутун мамлакатнинг кундалик ҳаётига айланиши керак.

ТАЪЛИМ, ТИББИЁТ, УЙ-ЖОЙ

Икки йил муқаддам Президентимиз ташаббуси билан таълим даргоҳлари етишмаслиги, хараба мактаблар ва уч навбатли таълимни бартараф этишга қаратилган “Бадастир мактаб” миллий лойиҳаси ишга туширилди.

Мамлакат бўйлаб тиббиёт инфраструктураларини кенг қўламда ривожлантириш тадбирлари давом эттирилади. “Қишлоқ соғлиқни сақлаш тизимини замонавийлаштириш” лойиҳаси доирасида жорий йил охириға қадар 188та тиббиёт муассасаси қурилиш режалаштирилган.

Фуқаролар учун уй-жой мавжудлиги ҳаёт сифатини яхшилашнинг ҳал қилувчи омили бўлиб қолмоқда. Ўтган йили давлат томонидан аҳолининг ижтимоий ҳимояға муҳтож қатламлари учун қарийб 21 минг хонадон харид қилинди.



ИШЧИ КАСБЛАРИ ЙИЛИ

Президент ташаббуси билан 2025 йил “Ишчи касблари йили” деб эълон қилинди. Бу, аввало, ёшлар учун имкониятларни кенгайтириш, касбга йўналтириш тадбирларини кучайтириш, талабга мос касб-хунар эгаллаш учун шарт-шароит яратиш муҳимлигини таъкидлади. Бу борадаги топшириқ билан барча вилоятлар раҳбарларига мурожаат қилди.

СПОРТ — МИЛЛАТГА САРМОЯ СИФАТИДА

Юртбоши спорт мавзусини давом эттирар экан, бутун мамлакат бўйлаб футболни ривожлантиришга алоҳида эътибор қаратишга қақирди. Унга кўра, ҳомийлик маблагларини жалб қилган ҳолда аксарият вилоят футбол ўйингоҳларини реконструкция қилиш ёки янгиларини бунёд этишни бошлаш керак. Шунингдек, ҳар бир вилоят ва туман марказида, қишлоқ ва шаҳарчаларда болалар футбол майдончалари юзага келиши керак.

— Шундагина биз бутун дунёда оммабоп бўлган ижтимоий ва оммавий спорт турини янги босқичга кўтаришимиз мумкин. Болалар ва ўсмирларни футболга жалб қилиш орқали биз қимор ўйинлари ва гиёҳвандлик муаммосини сезиларли даражада ҳал қила оламиз, — деди Қ. Тўқаев. — Тегишли вазирлик, Футбол Федерацияси, маҳаллий ижро ҳокимияти идоралари, тадбиркорлар амалий жиҳатдан клуб футболини тижоратлаштиришни бошлашлари керак. Клублар фақат минтақавий бюджетларга таянмасликлари жоиз, улар бутун дунёда бўлгани каби, ўзлари ҳам пул ишлашни ўрганишлари даркор.

Президент спортни, айниқса, болалар ва ёшлар ўртасида оммавийлаштириш саломатлик гарови эканлигини, бу борадаги ишлар давлат томонидан ҳам, бизнес томонидан ҳам давом этиши зарурлигини таъкидлади.

НОАНИҚЛИК ДАВРИНИНГ ДАЪВАТЛАРИ

Президент Миллий Қурултой йиғилиши иштирокчиларга мурожаат қилар экан, жаҳон кун тартибидagi масалаларни эътибордан четда қолдирмади.

— Бугунги кунда барчамиз дунё бўйлаб кенг кўламли ўзгаришларга гувоҳ бўлмоқдамиз. Мисли қўрилмаган можаролар, ўзаро ишончининг кескин инқирози, халқаро ҳуқуқнинг тобора емирилиши, иқтисодий урушлар жаҳондаги ҳозирги вазиятнинг ажралмас қисмига айланди. Буларнинг барчаси янги технология тартибнинг юзага келиши, муҳим заҳиралар учун курашнинг кучайиши, ишлаб чиқариш ва савдо-логистика занжирларини қайта шакллантириш, техноген ва табиий офатлар жараёнида содир бўлмоқда. Дунёвийлашув ўз аҳамиятини йўқотмоқда, давлат миллатчилиги, таъсир доираларини тақсимлашга интилиш, жаҳон сисбатини минтақавийлаштириш биринчи ўринга чиқмоқда, — деди Президент. — Ўнлаб йиллар давомида кўплаб мамлакатларга демократик маънавий-ахлоқий қадриятлар, жумладан, ЛГБТ ҳам татбиқ этилди ва шу ниқоб остида халқаро нодавлат жамғарма ва ташкилотлар уларнинг ички ишларига кўпол равишда аралашди. Шу йўл билан бюджетдаги миллиардлаб долларлар ўғирланди. “Тараққиёт ва демократия”, “инсон ҳуқуқлари”, “матбуот эркинлиги” ва “уюшган жиноятчиликка қарши кураш” тарафдорларининг даромади уларнинг маошларига ҳеч қандай мос келмайди. Шу боис Президент Трамп бошчилигидаги Американинг амалдаги маъмурияти томонидан кенг кўламли суиистеъмоликларни аниқлаш ва сиёсий иккиозламачилигини фош этиш, анъанавий ахлоқий қадриятларни тиклаш бўйича бошланган тадбирлар кўллаб-қувватлашга лойиқ, — деди у.

КЕЛАЖАК ТАСВИРИ

Юртбошимиз таъкидлаганидек, мамлакатимизда қуқур ва кенг қамровли ислохотлар эндигина бошланди, олдинда машаққатли йўл бор. Биз илғор халқ сифатида фақат олга интилноғимиз керак, бизга узоқни кўзлаган мақсадлар зарур, келажакни аниқ кўра олишимиз керак. Чунки мақсадни тўғри белгилаш ҳар қандай муваффақиятнинг асосидир.

— Қозоғистон нафақат ўзини электр энергияси билан тўлиқ таъминлаши, балки жаҳон энергетика бозорининг йирик экспортчисига айланиши керак, — деди Президент. — Референдумда қозоғистонликлар атом электр станциясини қуриш тўғрисидаги қарорни маъқуллади ва бу борадаги ишлар бошланиб кетди. Биз учун стратегик аҳамиятга эга бўлган янги энергетика саноати келгуси ўн йилликларда иқтисодиётни жадал ривожлантириш учун мустаҳкам пойдевор яратади. Айнан шунинг учун мен битта эмас, учта АЭС қуриш ва пировардида тўлақонли ядро кластерини шакллантириш зарур, деб ҳисоблайман. Бу вазифанинг бекиёс аҳамиятини инобатга олиб, Президент ҳузурида Ядро энергетикаси агентлигини тузишга қарор қилдим.

Қозоғистон қайта тикланадиган энергия манбаларини ҳам тўлиқ ишга тушириши керак.

ҚИШЛОҚ ХЎЖАЛИГИ

Қишлоқ хўжалиги улкан салоҳиятга эга. Агросаноат мажмуасини сифат жиҳатидан янги босқичга олиб чиқиш юзасидан залворли ишлар амалга оши-

рилмоқда. Келгуси беш йилда қишлоқ хўжалиги маҳсулотлари ялпи ишлаб чиқариш ҳажмини икки баравар, меҳнат унумдорлигини уч баравар ошириш мақсад қилинган. 10 йил ичида Қозоғистон чуқур қайта ишланган дон маҳсулотлари ишлаб чиқарувчи ва етказиб берувчи жаҳоннинг етакчи ўнталигига кириши даркор.

Бундан ташқари, мамлакатимиз ҳудуди бўйича дунёда тўққизинчи ўринда туради, бу эса транзит-логистика соҳасини ривожлантириш учун истиқболли имкониятларни очади. Бу алоҳида эътибор талаб қиладиган стратегик йўналишдир.

МАҚСАД АНИҚ

Давлат раҳбари Қозоғистонда ҳар бир фуқаро ўз салоҳиятини юзага чиқариши учун барча имкониятлар мавжудлигини таъкидлади.

— Миллий мақсадимиз Адолатли, Хавфсиз, Тоза, Қудратли Қозоғистонни барпо этиш ғоясидан келиб чиқади. Биз ҳамма учун кенг имкониятлар муҳайё давлатни яратмоқдамиз. Фуқаролари ўз имкониятларини тўла рўёбга чиқара оладиган, ҳалол меҳнати билан оиласи фаровонлигини таъминлай оладиган давлат. Бизнинг мустаҳкам пойдеворимиз қонун ва интизомдир. Бу — биринчи навбатда, ҳар бир кишининг шахсий ва умумий интизомини аңглатади. Бизнинг мафқурамиз содда ва тушунарли. У мисли қўрилмаган геосиёсий бўрон шариоотида мамлакат тараққиётининг сифат жиҳатидан янги босқичига мустаҳкам пойдевор қўйишдан иборат. Давлатимиз тақдири, миллатимиз фаровонлиги ҳам шунга боғлиқ, — деди Президент.

Давлат раҳбари Миллий Қурултой аъзоларига мурожаат қилар экан, улар ташаббусларни илгари суриш орқали кўплаб бунёдкорлик ишларининг ҳаракатлантирувчи кучи бўлиб хизмат қилаётганини алоҳида таъкидлади ҳамда Қозоғистоннинг илғор тараққиёт йўлидан бораётгани туфайли барча ватанпарвар фуқароларга миннатдорчилик билдирди.

ҚУРУЛТОЙНИНГ БИРЛАШТИРУВЧИ КУЧИ

Йиғилишда Парламент Мажлиси депутати Айдўс Сарим, Қўстанай автомобиль транспорти коллежи директори Дмитрий Павленко, Қарағанди вилоят Жамоатчилик кенгаши аъзоси Бекзат Алтинбеков, Team Qazaqstan лойиҳаси раҳбари Улжас Сулеймен, ҳуқуқ ҳимоячиси Айгул Ўринбек ҳам сўзга чиқди.

Парламент Мажлиси депутати Айдўс Сарим мафқуравий сиёсатнинг янги концепцияси юзасидан қатор таклифлар билдирди.

Қўстанай автомобиль транспорти коллежи директори Дмитрий Павленконинг сўзларига кўра, бугунги кунда мамлакатда касбий таълимни меҳнат бозори эҳтиёжларига мослаштириш бўйича кескин муаммо турибди: битирувчилар кўпинча иш топа олмайди, чунки бир неча йил олдин зарур бўлган касбларга бугунги кунда талаб деярли йўқ.

— Сўнгги йилларда меҳнат бозори сезиларли даражада ўзгарди. Янги мутахассисликлар пайдо бўлди, масалан, мобилограф ва дрон оператори. Янги авлод мутахассисларни тайёрлаш зарур. Шу боис, “Янги касблар атласи”ни янгилаш зарур, бу ишга коллежлар ҳам, иш берувчилар ҳам жалб этилиши керак, — деди у.

Маърузачи, шунингдек, техник ва касб-хунар таълими ва ишлаб чиқариш соҳалари ўртасида доимий ҳамкорлик зарурлигини таъкидлади.

Қарағанди вилояти Жамоатчилик кенгаши аъзоси Бекзат Алтинбеков динга оид масалаларнинг долзарблигини ҳам қайд этди.

— Ота сифатида ташвишланмасдан иложим йўқ. Айрим ёшларимизнинг радикал оқимларга кириб кетаётгани ҳеч кимга сир эмас. Мадрасаларда таълим-тарбия ишларини такомиллаштириш ва тизимли йўлга қўйиш зарур. Диний таълим муассасаларини назорат қилиш керак, — деди у.

Хуқуқшунос ва ҳуқуқ ҳимоячиси Айгул Ўринбек “Фуқаро жамияти” бўлимида билдирилган қатор таклифлар билан ўртоқлашди. Маърузачининг сўзларига кўра, айна пайтда юртимизда пул йиғувчи турли хайрия жамғармалари кўпайган. Бироқ, уларнинг барчаси ҳақиқатан ҳам «хайрия» учун пул йиғайтганлар эмас. Маблагларнинг бир қисми ноаниқ мақсадларда сарфланган. Бундай тузилмалар сонини орттириб бормоқда, лекин назорат йўқ, деди маърузачи.

У суд-тиббий экспертиза билан боғлиқ муаммолар масалани ҳам кўтарди. Тегишли бошқарма Қозоғистон Республикаси Адлия вазирлигига бўйсунди ва шунинг учун экспертларга босим ўтказиш эҳтимоли мавжуд. Ваҳоланки, ҳар бир экспертиза хулосасига инсоннинг тақдири боғлиқ.

Айгул Ўринбек суд экспертизасини Адлия вазирлиги тасарруфидан чиқариб, фақат Давлат раҳбарига бўйсунадиган Миллий ҳуқуқий экспертиза марказини ташкил этишни таклиф қилди.

У кўтарган яна бир муаммо онлайн кредитларнинг мавжудлиги ва телефон фирибгарлиги билан боғлиқ. Унинг фикрича, Қозоғистон Республикасининг “Алоқа тўғрисида”ги Қонунида тегишли меъёрларни мустаҳкамлаб, алоқа операторларининг масъулиятини ошириш муҳим аҳамиятга эга.

quryltai.kz маълумотлари асосида.

“ЫНТЫМАҚ” УЙИДАГИ ҲИСОБОТ

Туркистон шаҳридаги барча жамоат ташкилотлари жойлашган “Ынтымақ” уйида ҚХА қошидаги шаҳар оқсоқоллар кенгаши раиси, Туркистон шаҳрининг фахрий фуқароси Абдихан Абдиқадиров раҳбарлигида ушбу ташкилотнинг ўтган йили амалга оширган ишлари юзасидан ҳисобот йиғилиши ўтди.

Айни пайтда сафида 52 нафар аъзоси бўлган оқсоқоллар кенгаши шаҳар ҳокимлиги ҳамда олти кичик туман маъмурияти билан эл бирлиги, ёшлар тарбияси масаласида тигиз ҳамкорликда фаолият юритмоқда. Фахрийлар Абжаппар Садуақасов, Дилмурод Жамолов, Тўрехан Жумаханов, Пернетаи Дўсибековларнинг таклиф ва мулоҳазалари тингланди.

Бир гуруҳ фаоллар шаҳар ҳо-



— Коллежга раҳбарликка тайинланганингизга бир йилдан ошди. Айтингчи, бугунги кунда қандай натижаларга эришилди?

— Раҳбарликни ушбу маскани ўн йил муваффақиятли бошқарган Гўлсум Садиққизи Баймағамбетовдан қабул қилиб олдим. Салкам йигирма йиллик фаолияти давомида коллеж эл орасида эътибор қозониб, ривожланди. Бугунги кунда муассасамиз Сайрам даҳасининг Амир Темур кўчасида жойлашган, тадбиркор Қудрат Холмуродовга тегишли 5-каватли бинода фаолият юритмоқда ва мустаҳкам ўқув-техника базасига эга. Жумладан, компьютер ва стоматология хоналари, лаборотория, махпислар зали, кутубхона, электрон кутубхона, ёпиқ спорт мажмуаси, ошхона, тиббиёт пункти, ётоқхона мавжуд. Таълим масканида талабаларга тиббиёт фанлари докторлари ва номзодлари, профессорлар, доцентлар, олий тоифали шифокорлар дарс беришди. Коллежимизда шунингдек, таълим, тиббий фанлар, соғлиқни сақлашнинг асосий соҳалари бўйича ўрта тиббиёт ходимлари малакасини ошириш бўлими фаолият юритади. “Лаборатория диагностикаси”, “Фармация”, “Тиббиёт ҳамшираси”, “Даволаш иши”, “Стоматология” каби бешта ихтисосликлар бўйича мутахассислар тайёрланмоқда. Уни тамомлаган барча талабаларга “Клиника амалиёти мутахассиси” сертификати, шунингдек, “Даволаш иши” ихтисослигини

Сўнгги йилларда Ўзбекистон ва Қозоғистон давлатлари орасида ўзаро ҳамкорлик муносабатлари тобора мустаҳкамланмоқда. Жумладан, таълим муассасаларининг ҳамкорлигини ривожлантиришга алоҳида эътибор қаратилмоқда.

Яқинда Шимкент шаҳридаги “Сайрам” тиббиёт коллежи вакиллари Ўзбекистон Республикасининг Бухоро шаҳридаги “Бухоро” халқаро тиббиёт техникуми ва Афшона шаҳридаги Абу Али ибн Сино номидаги Жамоат саломатлиги техникумига ташриф буюришди. Сафардан мақсад — замонавий меҳнат бозорида талаб қилинадиган кадрларни тайёрлаш, қўшма ўқув дастурларини амалга ошириш бўйича самарали ҳамкорлиқни йўлга қўйиш эди.



кимлиги, маслаҳати ва оқсоқоллар кенгашининг фахрий ёрлиқлари билан тақдирланди.

Алибек Жумабекули раҳбарлик қилаётган халқаро туризм ва меҳмондўстлик университети ҳомий-

лигида шаҳар оқсоқоллар кенгаши “Жанубий Қозоғистон” газетасини доимий равишда мутлола қилишмоқда.

Ш. МАДАЛИЕВ.
Муаллиф суратга олган.

КОЛЛЕЖ ОДИМЛАРИ ШАҲДАМ...

Бизнинг маълумот: Жанара Баймағамбетова 1985 йили 30 мартда Алмати шаҳрида таваллуд топган. М. Ауезов номидаги ЖҚУнинг химия-биология факультетини, ушбу даргоҳнинг магистратурасини, докторантурасини тамомлаган. Бугунги кунда 2007 йилдан фаолият юритиб келаётган “Сайрам” коллежининг директори.

Муассасада ўрта бўғин тиббиёт мутахассислари тайёрланади. Унинг муассиси, тиббиёт фанлари доктори, профессор Амирхан Баймағамбетов. Қуйида коллеж директори Жанара Амирханқизи билан уюштирилган суҳбатни эълон қилмоқдамиз.

тамомлаганларга “Фельдшер” ва “Тиббий ҳамшира” гувоҳномалари ҳам берилади.

Фахр билан айтиш мумкинки, 18 йил давомида коллежда билим олган 5 мингдан зиёд мутахассис бугунги кунда мамлакатимизнинг турли бурчакларида самарали меҳнат қилишмоқда. Жорий ўқув йилида ҳам 380 нафар талаба қабул қилинди.

Таъкидлаш жоиз, ўқув масканимизда кам таъминланган оила фарзандларига махсус стипендиялар тайинланади, шунингдек, турли маданий-маърифий тадбирлар, шаҳар, вилоят ва халқаро даражада спорт мусобақалари уюштирилмоқда.

— Талабалар бўш вақтларини қандай ўтказишади?

— Коллежимизда маданий-маърифий тадбирларни ўтказишга алоҳида эътибор қаратилмоқда. Жумладан, мунтазам равишда элга таниқли шахслар, ижодкорлар ва зиёлилар билан учрашувлар уюштирилади. Жорий ўқув йилида ҚР Парламент Мажлисининг собиқ депутати, жамоат арбоби Ф. Қоратоев, имконияти чекланган шахслар орасида стол теннисидан Қозоғистоннинг 15 карра чемпиони Тўймурод Эшимов, Ўзбекистон Республикасининг Алмати шаҳридаги Бош консули Дилшод Собиров, шунингдек, маҳаллий ижодкорлар Ҳавазмат Қўчқоров, Суннатилла Ақромов, Баҳодир Муталов, Комилжон Солибековлар билан ижодий учрашувлар уюштирилди.

Шунингдек, ҳар йили Наврўз байрами, Қозоғистон халқининг бирлиги кунини, Халқаро талабалар кунига бағишланган тадбирлар — “Ота-онанинг қадрини...”, “Яхшилик қилсанг, яхшилик топасан”, “Илғор

мутахассис” каби мавзулардаги ижодий танловлар уюштирилади.

— Ўзбекистондаги тиббиёт муассасалари билан яқин алоқада ишлаётган экансизлар. Шу ҳақида тўхталиб ўтсангиз...

— Яқинда коллежимизнинг олти нафар вакили Ўзбекистон Республикасининг Бухоро шаҳридаги “Бухоро” халқаро тиббиёт техникуми ва Афшона шаҳридаги Абу Али ибн Сино номидаги Жамоат саломатлиги техникумига боришди. Мақсад — замонавий меҳнат бозорида талаб қилинадиган кадрларни тайёрлаш, қўшма ўқув дастурларини амалга ошириш бўйича самарали ҳамкорлиқни йўлга қўйиш эди. Сафар мобайнида юқорида номи тилга олинган муассасалар билан ўзаро ҳамкорлик меморандумлари имзоланди. Дарҳақиқат, илғор тажрибаларни ўрганиш яхши самара бериши шубҳасиздир. Келгусида ўзбекистонлик талабаларни коллежимизга таклиф қилиш қўлланмоқда.

— Фурсатдан фойдаланиб, “Жанубий Қозоғистон” газетасини кўллаб келаётганингиз учун миннатдорчилик билдирамиз...

— Ҳа, талабаларимиз учун маъмурият ҳисобидан “Жанубий Қозоғистон” газетасининг 50 донасига обдана расмийлаштирганимиз. Зеро, ёшларимиз газета ўқишса, улар албатта, маънавиятни, билимни, ватанпарвар ва малакали мутахассис бўлиб етишадилар.

Барчангизни Улуслнинг улуг кунини — Наврўз айёми билан муборакбод этаман!

— Самимий суҳбат учун ташаккур!

З. МҲМИНЖОНОВ
суҳбатлашди.

ҲАМКОРЛИК ЙЎЛИДА ДАДИЛ ҚАДАМ



— Делегация таркибида талабаларимиз ҳам бор эди, — дейди коллеж директорининг ўринбасари Баҳодир Ақромшиқов. — Ташриф давомида Бухоронинг диққатга сазовор масканларида бўлдиқ, тарихий обидаларни, жумладан, Абу Али ибн Сино музейини кўздан кечирдик. Таълим муассасаларида дарс жараёнларини кузатиб, уларнинг моддий-техника базаси билан яқиндан танидик.

Сафар давомида ҳар икки муассаса билан ҳамкорлик меморандумлари имзоланди.

З. МҲМИНЖОНОВ.
Тасвирларда: сафардан лавҳалар.

»» Орамиздаги одамлар

ШИФОКОРЛАРНИНГ ШАРАФЛИ СУЛОЛАСИ

Шимкент шаҳрининг Бодоморти даҳасидаги масжидда нафақат вилоятимизга, балки республикага таниқли атоқли ҳамюртимиз, малакали уролог-жарроҳ Абдуҳалил Отахўжаевни “Жанубий Қозоғистон” вилоят газетасининг янги сонини бир гуруҳ намозхонлар билан қизғин муҳокама қилаётган пайтда учратиб, қувондим. Ибодат устида жамланган ҳамюртларимиз, ҳам диний, ҳам дунёвий дунёқарашини бойитишгаётгани, фикр алмашаётгани янада руҳлантирди. Тўғриси, бундай илмли инсонлар ҳаётимиз беағи, ёшларнинг илмга, ўз касбига қизиқишини янада кучайтиришга рағбат уйғотишади.

Отахўжаевларнинг – шифокорлар сулоласи мазкур авлод вакилларининг бошқаларга сабоқ бўладиган ҳаёт йўлларини муштарийларга яқиндан таништиришга жазм қилдим.



– Падали бузрукворим Абдураим ота ва волидаи муҳтарам Маҳбуба ая 1940 йили оила қуришган, – дейди биз билан суҳбатда Абдуҳалил Отахўжаев. – Оилада 11 нафар фарзандимиз. Мен уларнинг тўнғич фарзандиман, 1941 йили таваллуд топганман. Ўша даврдаги 3-урта мактаб (ҳозирги 45-сонли мактаб)ни тамомладим. Ота-онам бизнинг зиёлилар сафида бўлиб, халқимизга хизмат қилишимизни орзу қилиб, дуо қилишган ва бу йўлда ҳеч нарсасини аяшмаган. Уларнинг дуолари ижобат бўлди. Илоҳим, уларнинг қабрлари нурга тўлсин. Самарқанд Тиббиёт институтини муваффақиятли тамомладим. Шимкент шаҳридаги вилоят касалхонаси бош шифокори Вағид Алиев қабулига кириб, жарроҳи бўлиб ишламоқчилигимни айтганимда, “бизда жарроҳлар етарли, яхшиси, урология бўлимига кириш, ўша бўлимда ҳам жарроҳлик қиласиз”, деб жавоб берганди. Шу кундан эътиборан ишга қабул қилиндим. Алмати, Тошкент, Боқуда малака оширдим. Илк ёдда қолган жарроҳлик амалиётимни – кўкрак қафасига ўқ теккан беморга жарроҳ Архипеко билан амалга оширганмиз.

Ўғлим, таниқли уролог Воҳиджон бошқармоқда. Ҳозир фахрий ҳордиқдаман. Умр йўлдошим Рихсиджон ҳам Тошкент Тиббиёт институтининг педиатрия факультетини тамомлаган. У умрини нафақага чиққунга қадар келажагимиз эгаларини даволашга бахшида этган болалар шифокори, ўз касбининг етук мутахассиси эди. Мархума рафиқам билан юртимиз соғлиқни сақлаш тизими ривожига озми-кўпми ҳисса қўшганлигимиздан мамнунмиз.

Отахўжаевларнинг ёрқин вакиласи, синфдошим Манзура Абдураим қизи ҳам ака-опалари изидан бориб, шифокорлик касбини танлаган. Айни кунларда шаҳримиздаги таниқли терапевт-шифокор. Суҳбатимизни Манзураҳон билан давом эттирамиз.

– Отахўжаевлар сулоласида соғлиқни сақлаш тизимида ҳалол меҳнат қилаётган зиёлилар сафининг тобора кенгайиши акангизнинг ушбу соҳадаги баракали фаолияти таъсири бўлса ажаб эмас...

– Абдуҳалил акам авлодимизнинг етакчиси. Ука-сингилларига доим ибрат бўлиб келган, унинг ютуқларидан руҳланиб, вояга етдик, ушбу касбга меҳр қўйишимиз бежиз

қатор машҳур тамаддихоналарнинг соҳиби. Фарзандлари ҳам тадбиркорлик соҳасида фаолият юритишяпти. Фотима опам ҳам ТошТини тамомлаган, доцент, доялик ва гинекология кафедрасида фаолият юритади, тиббиёт фанлари номзоди. Опамнинг умр йўлдоши жарроҳ, келини ҳамда қизи ҳам болалар шифокори сифатида халққа хизмат қилишмоқда. Феруза опам ҳам ТошТИда тахсил олган, Гулистон шаҳридаги тиббиёт билим юртининг директори, хизмат кўрсатган педагог, унинг умр йўлдоши эса суд-тиббиёт эксперти. Укам Баҳодир тадбиркор. Ўғли Отажон Қарағанди тиббиёт олийгоҳини тамомлади, хорижий клиникаларда малакасини мунтазам ошириб, хусусий тиш клиникасида ҳамюртларимизга хизмат кўрсатмоқда. Шундай оиланинг аъзоси бўлганимдан ҳамда ёш авлодларимиз ҳам халққа хизмат қилишда кекса авлодлари касбини танлашида шубҳа қилмайман. Зеро, эътибор берсангиз, ҳар бир авлоднинг вакилларига дахлдор шуғулланадиган ота касби бўлади. Шифокорликнинг ҳам авлодларимизга хайрли ва баракотли бўлиши насиб қилсин.

Ҳақиқатан ҳам мазкур авлод нафақат шифокорлари,



Иккинчи воқеа – Шимкент истироҳат боғларидан биридаги рақс майдончасида йигитлар ўзаро гап талашиб, улардан бири кўкрагидан пичоқланганди. Тиббиёт фанлари номзоди Д. Сексенбаев билан унинг кўкрак қафасини П ҳарфи шаклида тикканимиз ёдимда. Аллоҳнинг қарами билан қанча беморларнинг буйрактош касалликлари, сийдик йўли, қовуқ, жинсий аъзолари хасталиқларини жарроҳлик йўли билан даволаганмиз. Фаолиятим самарали ўтди – ҳам шифохонада, ҳам касалхонада меҳнат қилдим. 1987 йили 2-шаҳар касалхонасига ёш урологларнинг амалиёт ишларига раҳбарлик қилдим. Олий тоифа беришди. Сўнг вилоят ташхис марказига ишга таклиф қилишди. Нафақага чиққанамдан сўнг хусусий клиникамда ҳамюртларимнинг соғлигини тиклашга ёрдам бердим. Айни дамда уни

эмас, – дейди Манзураҳон. – Унинг невараси Абдураим ҳам бобоси изидан бориб, шифокорликни танлади, бугунги кунда у етук тиш шифокори. Опам Умуми Гулшан 1969 йили Самарқанд Тиббиёт институтини тамомлади. Шимкент шаҳрининг 1-перинатал марказида қарийб 30 йил доя-гинеколог бўлиб ишлади. Опамнинг икки қизи ҳам доя-гинеколог. Ўғли Халқ хўжалиги олийгоҳининг халқаро муносабатлар факультетини тамомлади, тадбиркор. Матлуба опам айни дамда ТошТининг Биоорганика кафедрасида доцент, бўлғуси шифокорларга сабоқ беради, тиббиёт фанлари номзоди. Опам Назира фармацевт, унинг неваралари шифокорлик соҳасини танлашди. Абдували акам муҳандис, фарзандлари банк ва муҳандислик соҳаларини танлашди. Акам Сайдивали тадбиркор, шаҳримиздаги

балки саховатли ишбилармонлари билан ҳам машҳур сулола. Саидвали Отахўжаев сахий инсон, тиниб-тинчимас ташаббускор, саховатли қалб соҳиби. ҚР “Дўстлик” ҳамжамияти ҳамда Шимкент шаҳар ЭЗМБ фаоли, оқсоқоллар кенгаши раиси, Қозоғистон халқи Ассамблеясининг “Жомарт жан” медали соҳиби. Зиёлилар билан суҳбатлашиб, қалбим ўзгача ҳузур олди. Умрини машаққатли меҳнатда ўтказиб, одамларга эзгулик улашишга сарфлаётган аjoyиб инсонлар жамиятимиз кўрки.

Изларидан бораётган не-вара эваралар эса ҳалол ва машаққатли хизмати билан танилган сулоланинг муносиб давомчиларидир.

Шухрат РЎЗИМАТОВ,
Ал-Форобий туман
УЗМБ раиси.

Шимкент шаҳри.



»» Тўйхат ўрнида

ЭЗГУЛИК ЙЎЛИ

Лавҳамиз қаҳрамони қарийб 40 йилдан зиёд ёш авлодга таълим-тарбия беришда фидойилик билан хизмат қилиб келаётган ардоқли ва камтарин устоз Мансурхон Қодиров(тасвирда)дир.



У 1955 йил 20 мартда Сайрам туманининг Сайрам қишлоғида оддий деҳқон оиласида таваллуд топди. Дастлаб Ҳамза ва Калинин номли мактабларда, сўнгра Сирдарё давлат муаллимлар олий таълим масканида тахсил олди. Меҳнат фаолиятини 1976 йилда ўзи таълим олган Ҳамза номли мактабда бошлаб, турли йилларда қишлоқдаги Қашшофлар уйида, шунингдек, Ҳамза ва Атоий номли мактабларда директорлик қилди.

М. Қодиров ўқитувчиликнинг фидойиликни талаб этадиган касб эканлигини чуқур ҳис этади. Зеро, таълим соҳасида амалга оширилаётган ислохотлар ҳар томонлама баркамол инсонни шакллантиришга қаратилмоғи жоиз.

М. Қодиров устозлари Туроббой Йўлдошев, Ҳавазмат Юнусалиев, Равшан Жумабоевлар номини фахр билан тилга олади. Раҳбарликнинг сир-синоатларини ўзлаштиришда эса меҳнат фахрийлари Отабек Қувашев ва Тоживой Турсиметовларнинг хизматлари беқиёс бўлган.

“Бир йигитга қирқ хунар оз”, деганларидек, у ҳаваскор хонан-

да сифатида ҳам танилган. Мансурхон Қодиров Шерали Жўраев, Ортиқ Отажонов, Озодбек Назарбеков каби машҳур хонандаларнинг ўндан ортиқ қўшиқларини маромига етказиб қуйлайди. “Муסיқа дилларга беадад куч-қувват бағишлайди, дейди у. Машҳур ҳофизларга тақлид қилиб ижро этган қўшиқларимдан аввало ўзим баҳра оламан. Қолаверса, давраларда ижро этишни сўрашса, бажонидил айтиб бераман”.

Отажон рафиқаси Шозода Турсиметова билан икки ўғил ва бир қиз тарбиялаб, бугунги кунда набиралар ардоғида умргузаронлик қилмоқда. Устоз оиласининг аксарият аъзолари зиёлилар. Турмуш ўртоғи Шозода опа, кичик ўғли Аҳрор, катта келини Нигора ҳам педагог. Тўнғич ўғли Дилмурод ҳисобчи, қизи – Озода ҳамшира, кичик келини – Жамила уй бекаси.

Умрини ўқитувчиликка бағишлаган Мансурхон Қодировнинг меҳнатлари давлатимиз ва жамоатчилик томонидан муносиб баҳоланган. Ёшларга таълим ва тарбия беришда эришган ютуқлари учун у Маориф вазирлигининг, вилоят таълим депар-

таменти, Сайрам туман таълим бўлиmlарининг фахрий ёрлиқ ва ташаккурномалари билан тақдирланган. 2011 йили “Сайрам қишлоғининг фахрий фуқароси” унвонига сазовор бўлди. Шунингдек, у “Ёшларни ватанпарварлик руҳида тарбиялашдаги хизмати учун” медали, “Жамоат фидойиси”, И. Алтинсарин номидаги “Таълим соҳасининг аълоҳиси” кўкрак нишонлари билан тақдирланган.

Мансурхон Қодиров бугунги кунда ҳаётда ўз ўрнини топган шоғирдлари билан ҳақли равишда фахрланади. Шу кунларда 70 ёшни қарши олаётган фахрий устоз-мураббийга мустаҳкам соғлиқ, оиласига бахт ва барака тилаймиз!

З. МҮМИНЖОНОВ.

»» Газетхон миннатдорчилик билдирди

ШАРАФЛИ ВА МАШАҚҚАТЛИ КАСБ СОҲИБЛАРИГА РАҲМАТ!

Шифокорлик инсон ҳаётига дахлдор, ўта масъулиятли ва шарафли касб. Шу боис, бугун эл саломатлиги йўлида фидокорона меҳнат қилаётган тиббиёт ходимлари ҳар қанча эъзоз ва эътирофга лойиқ.

Шимкент шаҳрининг Сайрам даҳасидаги Ойбек Абдураимов раҳбарлик қилаётган «Хаят» клиникасининг хизматидан фойдаланиб, муассасадаги шифокор ва ҳамширалар ўз ишининг моришлари эканлигига амин бўлди.

Терапия бўлими мудираси, малакали шифокор Камола Маҳаммедова, невропатолог Дилфуза Тўрахонова ҳамда ҳамширалар Гулнозаҳон Худоёрова, Ҳафиза Тўламетова, Маликаҳон Юнусбоеваларнинг беморларга



муносабатидан даволанувчилар миннатдор.

Дарҳақиқат, ширинсухан тиббиёт ходимлари беморларни нафақат дори-дармон, балки ширин сўзи, меҳри билан дарддан фориғ этмоқда.

Клиникада даволанаётган бир гуруҳ беморлар номидан уларни баҳор байрамлари билан табриқлаб, сиҳат-саломатлик, фаолиятларида муваффақиятлар тилаймиз.

К. ПЎЛАТБОЕВ, нафақадор.

»» Сўранг, жавоб берамиз!

ҚАРЗЛАРНИ ЁПИЛАДИМИ?

Алиментдан қарзим бор. Лекин собиқ турмуш ўртоғим алимент керак эмаслигини айтди. Энди қарзларимни тўламасам ҳам бўладими?



М. КОМИЛОВ, Шимкент шаҳри.

Саволга ҳуқуқшунос Лаура Ўринбаева жавоб беради.

– Йуқ, алимент бўйича қарзлар зиммангизда қолади. Чунки алимент бўйича йиғилиб қолган қарзлар собиқ аёлингиз эмас, балки фарзандингиз олдидаги қарзидир. Сизда болангизни боқиб мажбурияти бор. Собиқ рафиқангизнинг алимент керак эмас, дегани бўйингиздаги қарздан қўтулдингиз дегани эмас. Алимент бўйича қарзлар алоҳида қарзлар турига қиради ва у биринчи навбатда, бо-

ла ҳуқуқларини ҳимоя қилишга қаратилган. Қонун бўйича балоғат ёшига етмаган болалар таъминоти ота-оналар зиммасида. Шунинг учун қарзлардан шунчаки кечиб юбориш ярамайди. Фақат узрли сабаблар бўлса, қарздор ота судга мурожаат қилиб, қарзлар миқдорини камайтиришни ёки тўлаш муддатини кечиктиришни сўраши мумкин. Узрли сабабларга эса оғир хасталик, иш жойи ва даромадини йўқотиш кабилар қиради.

Н. МАВЛОНОВА.

»» Спорт

Улуғбек Бойметов раҳбарлик қилаётган «Чоштепа» ўрта мактабининг 7-8-синф ўқувчилари Туркистон шаҳрида ўтган Миллий мактаб Лигасининг вилоят босқичида енгил атлетика бўйича иштирок этиб, 2-ўринни қўлга киритишди.

Ёш спортчиларни мусобақага устоз-мураббий Эрмат Тошпўлатов тайёрлади.

Совриндорлар – Эрхон Худойбергенов, Шоҳруҳхон Раҳимжонов, Дилмурод ва Шоҳнур Ҳабибуллаевлар, Темуралиев, Нилуфар Сайфуллаева, Малика Абдалимова, Жасмин Эрмаҳаммадова, Жасмина Шокирова ва Диана Ғайбуллаева мусобақада совринли ўринларни эгаллашди.

С. ТУРСУНМЕТОВ.

САЛОМАТЛИК – ТУМАН БОЙЛИК



Директор – Бош муҳаррир
Райимжон Ортиқбой ўғли
АЛИБОВЕВ.

Бош муҳаррир ўринбосарлари:
Муроджон АБУБАКИРОВ,
Авазхон БҮРОНБОВЕВ.

Масъул котиба – Шаҳноза УСМОНОВА.

Масъул шахслар:

Туркистон, Саверон – Шомирза МАДАЛИЕВ. +7701-610-51-22.
Қазигурт – Хуршид КҮЧҚОРОВ. +7701-447-37-42.
Сайрам – Зокиржон МҮМИНЖОНОВ. +7702-278-96-90
Тулкибош – Мунира САЪДУЛЛАЕВА. +7747-144-60-71.
Жетисай, Мақтарал – Мухтабар УСМОНОВА. +7701-257-36-97
Келес, Саригоч – Малика ЭЛТОЕВА. +7702-841-78-82
Кентов, Сўзоқ – Рўзихон МАДАЛИЕВ. +7708-824-20-97.

Муассис – Туркистон вилояти ҳокимлиги.
Мулк эгаси – “Жанубий Қозоғистон” вилоят ижтимоий-сиёсий
газетаси таҳририяти” масъулияти чекланган биродрарлиги.

«Мақолапар, эълон ва билдирувлардаги факт
ҳамда далилларнинг тўғрилиги учун муаллиф-
лар, реклам ва эълон берувчилар масъул.
«Фондацияни маган мақолапар ва эълон жавоб
қайтарилмайди.

Газета ҚР Маданият ва ахборот вазирлиги
томонидан 2020 йил 21 апрелда рўйхатга олинди,
KZ34VPR00022503 гувоҳнома берилган.
“ERNUR-online” МББ бошқарувида чоп этилди.
Шимкент шаҳри, Т. Алимутов кўчаси, 22.

Қозоғистон Республикасида тарқатилади.

МАНЗИЛИМИЗ:
160000, Шимкент шаҳри,
Тауке хан шоҳқўчаси, 6-уй, 3-қават.
Телефон: 53-07-10. Телефакс: 53-04-66.
+7778-618-39-05

Электрон почта: janubiy@inbox.ru

Нашр кўрсаткичи – 65446.

Адади – 11600 нуска.

Бирлик:
60%

Набатчи муҳаррир: Малика ЭЛТОЕВА.